

Vrijeme za promjenu političke dinamike u Bosni i Hercegovini

“Bosna i Hercegovina očajnički treba da udruži snage radi zajedničkog interesa, dok međunarodna zajednica treba da podrži one koji su voljni i spremni da idu tim putem. Sada je trenutak da se podrži promijenjena politička dinamika u Bosni i Hercegovini kako bi zemlja i njeni mnogobrojni talentirani i vrijedni ljudi mogli da ostvare svoj puni potencijal,” rekao je sinoć visoki predstavnik Valentin Inzko.

Visoki predstavnik je govorio na konferenciji koju je organizirao Centar za transatlantske odnose Fakulteta za napredne međunarodne studije pri univerzitetu “Johns Hopkins” u povodu obilježavanja 20. godišnjice mira u Bosni i Hercegovini. Na konferenciji su analizirani izgledi za postizanje političkog i ekonomskog napretka koji će donijeti trajnu stabilnost i prosperitet ovoj zemlji.

“Izazov pred Bosnom i Hercegovinom nije samo u tome šta treba da se uradi. Izazov je i kako to treba uraditi. Dvadeset godina nakon Dejtona, ne može se poreći činjenica da ova zemlja isuviše često pati zbog podjela. Zbog toga je važno da se zemlja vrati na put koji njeguje pomirenje i reintegraciju”, zaključio je visoki predstavnik Valentin Inzko.